

Eyn Freyheyt Des Sermons Best-

liche ablaß vnd gnad belangend Doc-
toris Martini Luther wider
die volegung, so czur
schmach seyn. vnd
desselbē Sermon
ertichtet.



Ihesus.

Ich Doctor Martinus Luther Augustiner zu Mitzenberg, bekenne, das der Teutsch Sermon, die gnad vnd ablas belangend, mein sei, darumb ich vorwisacht, vnd mir not ist, den selben zuuorfechtē, widder ettliche vorlegungen adder vorlesterungē, vorgebēs ertichtet, welcher geschicklikeit, so man ansicht, scheint es wol das ihrer Tichter zu vil zeit vñ papyr gehabt, derselbē nit hat wißt paß an zuwerdē, an das er mit vnsaweren worten, die warheit angriffen, gerne wolt, dcs yder man wiste, wie gar nichts, er in der schrift vorstunde.

Und zuuorneiden vill wort, las ich faren vñ befehl dē lieben windt (der auch mustiger ist) die vbrigen vorgeben wort, wie die pappen blumen, vñ dorren bletter. Nim allein fur mich seine grūde vnd eckstein seines kletzenbawes.

Der Erste grundt, das er spricht, das dritte teil der pusß die genugthuunge, sei in der schrift gegrūdet, nemlich in dem wort Christi, Thut pusß, es wirt naber pei sein das hymelreich, Und das habē vill tausent lerer gehalten, deren etlich heilich, vñnd die Christenliche kirche nit thadelt, zc. an das er nit sagt, sie sein alle wie das euangelium zu halten.

Hie sag ich, so fall es sein, das alle, die die schrift mit iren falchenn glosen lestern, mit irem eigen swert (als Goliath) geschlagen werden, dan diser warer spruch Christi hie felschlich eingefurt, eben der grund ist vñnd harnsch meins sermons, vñnd allein gnug, alle die vorlesterer vñnd vorlesterungen zu schenden, das bewere ich also, Christus lere, sein gottlich wort, darūb sei vortotten nit allein diszem vorlesterer, ia allen engelen ym himell, einē puchstaben daran zu wandeln, dan geschriben steet Got selber nit widder rufft, was er ein mal gesagt, vnd im psalter, dein wort, herr. bleibt ewig, vñnd Matth. 5. Nit ein spizlein eins geringsten puchstabenn wirt vorgehn von dem gebot gottes, es muß alles geschehen. Seitmal aber der .b. U. der Bapst wans

19
delt vnd ablegt die pusz, vnd gnugthuüige, ist offenbar,
das nit mag sein, die pusz die Christus yn seinem diszem
wort auffleget. die der. h. U. Bapst mber schuldig ist
auffzulegen. dan kein Christen. sondern sein, die der. h.
U. B. vnd kirchen in ihrem wort aufflegen. Anders we
re der. h. U. B. vnd die kirche vorstorer des gotlichenn
wortes. Sibe nu wie disze vorlegere dē. h. U. B. eerē
mit ihrem vnchristlichen schmeichlen. das sie ihm schult
geben (doch mit grossen eren vnd erbietungen) er czur
preech gottes gebot, in dem sie sagē. er nachlasse die gnug
thuüg die in dem wort Christi gepoten vnd auffgeles
get ist. Daraufz weiter folget. das das ablas, nit anders
were, dan lauter liegen vnd triegē. Sintemal sie das vor
messen, nach czulassen, vnd vergeben, des sie keinen ges
walt haben.

Zum andern. das er so viel tausent lerer einfurt. hatt
er die nit recht vberlegt. vnd die rechenpfennig czu
hoch erhebt. er het ihr sunst nit vil vber drei funden. Nē
lich S. Thomas. S. Bon. Magister Sen. Alexā. de ha
lis, die andern. als Anto. De. Palu. Aug. Anco. Anges
lus vnd der gleichen seind nichts. dan iaherrn vnd folz
ger. darczu ist keiner vnder dissen allenn sampt. der do
sprech adder bewere. das die nachgelasne gnugthuüige
durch ablas. sei die Christus gepotenn habe. vnd wer
anders sagt. d sagt das seie. mit gewalt vñ vnere d selbē

Auch geschicht den selben heiligen. vnd würdigen ler
ern. groß gewalt vnd vnrecht von den lesteren vorles
ger. das sie das. fur bewerte vnd gegründte warheit
aufclaffen. das die lieben vetter fur opinien vnd vnge
wisse wahn gehalten vnd geredt haben. darczu mit
blossen wortē an alle bewerüg gesetzt. Ja auch nit mber
haben kunden reden. dan opinien. Sintemal nit bei ihm.
sunder bei gemeinem Concilio die gewalt ist. schlisslich
die warheit czuordcleren. die an schrifft geredt wirdt.

Die weil nu sulche vorlesterer. der lieben vetter, wes
nen vnd ihre eigē vormessene schlusz. in eināder brewē.
ists nit wunder. das sie vns ein sotte machen. daran einē
grawen mocht.

A ü

Zum dritten. Wan schon szo vil. noch mehr tausent,
vnd sie alle heylige, lerer, betten disz ader das gebaltē,
szo gelten sie doch nichts, gegen eym eynigen spruch der
heyligenn schrift. als sant Paulus zun Galatern sagt.
Wen euch, gleich ein engel vom hymel, adder wirselbs
anders predigetē, dā yhr vor gehört habt, so lasts euch
ein vormaldeyt dinck seyn. Wan nu die selbē lerer betz
ten gleych gesagt (das sie doch nit thun) das die pusz
yn Christus wortē gepoten, wurd durch das ablasz ab
gelegt. szo solt mā yhn gar nichts glauben, darumb das
die schrift spricht, gottes wort mag niemant ablegen
ader wandelen.

Aber die vorlesterer suchen nur das sie durch vieler
doctor namen, yhem falschen predigen glauben machē,
ab sie auch die schrift daruber solten tzureyssen, vñ wan
einer nit mehr yn der schrift vorstund, dan dissor vorle
sterer, stüds yhm gar erlich an, das er sich enthilte seiner
vorlesterung tzu schreyben, vñnd vor das Euangelium
recht lernet.

I Der ander grüdt ist, das antzeyge beyd new vnd alt
Testamēt, das gott fordere gnugthuung fur die funde als
ym z. Deutr. fundē wirt. Auch S. Grego. spricht das
Christus einem iglichen laster vorordent widerwertig
ertzeney. Item da David sundigete mit dem ebruch
vn folck tzelen, muszt er straffe darumb leyden vnd die
rew nit gnug was.

Hie clag ich, das ein elender iamer ist, das man leyden
musz von sulchen freuelen lesterer die geschriff alszo tzu
reyssen, Ach das er mich nur alleyn vbelhandelte vnd
ein ketzer, abtrunigē, vbelreder, vñ nach aller lust seins
vnlust nennet, wolt ich geren haben, vñnd yhm nymer
seynd werden, ia fruntlich vor yhn bittē, das ist aber yn
keynen weg tzu leydē, das er die schrift, vnsern trost,
nit anders handelt, dan wie die saw ein habbersack, das
wollen wir sehen.

Zum Ersten spricht er, beyde testament gebens das
gnugthuung von got gefordert werde, vnd furt darzu
keynē spruch auß dē newen testamēt, sondern alleyn dē,

aufz. z. f. Deutro. des alten testaments, vnd wil also ein
geplerre gemacht haben, als seyns beyde testament.

Dartzu der spruch des alten testaments ym newen
testament auffgehoben ist, durch Christū selbst. Math.
5. Ir habt gehort das gesagt ist (vornym Deutro. z. f.)
Eyn aug fur ei aug. Ich gepiet euch aber. das yr nit wid
der strebet dem poszem ader dem der euch leyde thut.

Auch der selb spruch ist nit gegeben, das got gnugs
thuung dar durch furderet, sundern eyn regel gesetz, wie
weit die menschen sich vntereinander solten rechē, das
sie nit tzu vil theten, bis das das new testamēt die rache
gar auffhube als clerlich sanc. Aug. vber den selben text
sagt, vnd der text selb gibt. Nu lube lieber mensch wie
dieser vorleserer, denn spruch nit allein an vorstand ein-
furt, sundern auch widder das ewangelium, noch wol-
len sie alle ketzer vorbomen, vnd den hymell pochen.

Zum andern den spruch sanct Gregorij, der do cler-
lich sagt von der pusz die Christus gelert hat, die eynn
ertzeney ist wid die sund, also, wer vorbyn ist vnkeusch
geweszen, sey nu keusch, Wer vorbyn gestolenn hat,
d sei nu szo milt, das er das seyne gebe. zc. Dife gotlich
gepot durch Gregorij angezeygt, tzeucht er mit dē ha-
ren, das yhn die schwarten krachen, tzu der pusz, die der
Babst ablegen kan, vnd bedenckt nit das der nit alleine
ein ketzer, sundern vnynnig sey, der do hilt, das der. h.
U. Bapst ablege die keuscheyt, mildikeit zc. das ist die
gnugthuung von Christus geleret, das doch aufz seynē
eynfuren, folgete, Auch wizens die leyenn besser, die sas-
gen, Nymmer thun ist die hochste pusz, vnd das ist war
vor gott, der nit mber furdert, dan die hochste pusz, das
ist nymmer thun.

Zum dritten Beger ich czu wissen, wo. S. Augustin⁹
sage, das gott bequeme gnugthuung furdere, vñ wā das
betzeyget wirt, Sage ich wie vorbyn, die selbige gnugs
thuung ist nit nachleslich durch yrged ein ablasz, sundern
wirt gerechent als ein streffliche peyn vō got auffgelegt

A ij

Zum Vierdenn. das David gestrafft wart. vor sein
sund, ist vor mich. dan ich im Teutschen sermon gesagt
hab am sibenden artickel. das got die straff aufflegt, vñ
niemant mag sie ablegen. darumb wirt die schrift aber
mals gecreuziget. vnd die straff Davids geczogē in die
pusz. die der. h. U. B. mag ablegen. das ist menschen ge
schwecz. dann der selb sibend artickel. gantz clar mich
voicleret. also das ich das dritte teil der pusz vorneine
nit die gutten werck von gott gepotē. ader die leidē vñ
straff. sundern die pusz. ader gnugthuung. die das ablas
kan ablegen. die sag ich. wirt niemant auß der schrift
beweren. das sie got fordere. sundern er befilet das dem
h. U. Bapst. vñ der kirchē. Do er sagt czu sanct Petro.
Was du pindest auff der erden. fall gepunden seyn im
hymel. vñd was du loszest. fall losz sein. ꝛc Der h. U.
Bapst hatt woll voln gewalt, nit wie die schedlichenn
schmeichler sagen. alle dinck czutun. was dem mens
chen not ist czur selickheit. dann mit denn wortenn were
Christus außgeschlossen. sundern hat empfinden alle sū
de. die gepeicht werden. Aber hat nit gewalt in gottes
gericht vnd radt czu fallen. darumb auch nit mag ables
gen peyn so sie gott. adder gottlich gerechticket auffles
te. dan er nit saget czu S. Petro. Was ich pinde. salt
loszen. Sundern was du loszest. fall losz sein. darauß nit
folget. das mein punden darumb auch losz sey. sundern
deyn pinden ist losz. Aber vnser vorlegere. habē yhn die
ge walt genomē. Die schufft nach yhrem kopff czurichtē.
darumb vorsteen sie dynnen nit was dynnē ist. sundern
was sie wellenn. Kan doch keyn Bischoff loszen. was
der Bapst pindet. wie vormessen sich dan die schedlichē
schmeichler. den Bapst vnd die kirch mit yhm so czuuo
furen. das er sich vnterwinde czu loszen. Was seyn got
pindet. so er doch vnneslich weniger gewalt hatt. yn
gottes gewalt. dan ein Bischoff yn seynen gewalt.

Darumb yrrem vnd trigen alle die. die do sagen. das
durch ablas. peyn adder wergk der gnugthuung von
got auff gesetzt. nuge abgelegt werden. vnd wollen der
kirchen gewalt mit gottes gewalt vormischen. vnd er

tichten vns teglich new wortter, claves excellentie, claves
 aues authoritatis, claves ministrabiles, als lang das sie
 vns alle beutel, vnd kaffen lere machen, vnd darnach
 die hell auff schliffen, vnd den hymell czu schliffen.

¶ Der dritte grundt, das er spricht die gewonheyt vnd
 vbunge der kirchen sollen vor eyn gefecz gehalten werz
 den, die weyl dā die Christheit das ablas also braucht.

Sag ich, das war sey, was vbung vnd gewonheyt
 sey, yn der Christenheit, gelten der kirchē gepot gleych,
 es wirt aber vorstanden von den guten, vnd nit vō den
 poffen.

Zum andern hatt die Romische kirche nach nie ynn
 vbunge gehabt, das der ablas seelen erlosze, vñ den suns
 der losze von peyn adder gnugthuung vonn got auffges
 legt, sunder wie die frechen Questores wollen die leudt
 gleych wie die iungen kinder erschrecken, strebē sie dar
 nach, das yhre worte, seyen gottes wort, vnd yhier misz
 prauch, seyen der Christliche kirchen prauch, Auch laus
 tet das geystlich recht, das sulche prediget erlogē sein. c.
 abusionibus & mendaciter. Glo 7c.

¶ Der Vierde grundt, Wer ablas lost pesser thut dann
 wer almussen gibt eynē armē der nit in der lezte not ist.

Hie sich czu, vnd las dichs got erbarmen, das heyszen
 lerer des Christfolcks. Nu hynfurther ist nit schrecklich
 czu horen, wie Turcken vnser kirchen vnd creucze vorz
 vneren, Wir habenn bei vns hundertmall ergere Turz
 cken, die vns das einige heiligthum, das wort gottes,
 das alle dingk heyliget so gar lesterlich machen. Joā
 nes der heylig Apostell sagt, so einer sicht seinen bruder
 darben ader not leidenn, vnd schleust seine mildikeit
 vor yhm czu, wie mag die liebe gottis yn yhm bleibenn.

Über diszen text küpt diszer vorlesterer, vnd vorlegt,
 ja vorlezte vnd vber tausent meyl weg leget, mit einer,
 sulchen gloße.

Das darben adder notleydenn fall vorstanden werz
 den, von der lezte not. Ich mus hie mit vnwillē vnges
 dultig sein, dann kein gut geyst die gloße hatt her gefurt

adder ist auß eynem vnchristlichenn, iudischen, adder
yhe vnbedachtem vorstandt yemandt empfallen, Soll
nit eer ein Christen mensch dem andern helffen, dan yn
letzten noeten, so wirt nymer mehr, ader in vilen iaren
nit eyn mal dem anderñ geholffen. Szo wirt auch die
christliche liebe nit also gut seyn, also die frundschaft
vnder den Thierñ. Ach gott muß man deyn wort
also meisterñ Nu der stuckle haben wir wol mehr von
vnserñ trawm predigerñ.

Wer nu diszem vorleger folget, der hab achten dar
auff, das er nit eer speyse den hungerigē, cleyde den nac
kendē, sie komen dan yn die letzten not, das yhn die seel
auß geth, vn seyner wolthat nymer bedurffen. Recht
recht sulcher lerer wergk, soltē auch nit anders werd
sein, dan das sie geschehen da sie vnnotig seyn.

Widder die vordampfte vnd vorfurische glose. soln
wir wissen das, das darben adder nott. heist ein iglich
durffen. ader darben, gleych als Christus die Esell ließ
holen vnd sagen, sie seyn dem herren not, das ist er darff
yber, darumb fall man die not vorstehen, das sie gemesz
bleyb dem wort Christi, wan dein bruder darff szo leyhe
yhm an auffsatze. Nu ist borgē nit die letzte; auch nit die
mittelste, sundern die erste not, Auch fall die not dē ge
pot gemesz seyn. Was yhr wolt das euch die menschen
thun sollen, das heb yhr an tzu thun. Nu wille nyemant
das man yhn lasze yn die letzten not kummen, Wie kan
dan sanct Joannes die selben tzu gelassen habenn. Auß
Aristotelis kocher, ist die glosz geflogē, bey welchem sie
lernen necessitatem, vnd andere worter nur tzu vorder
ben die heyligen schrift.

Über das alles, die bruderliche Christliche liebe har
ret nit bisz das not da sey, darumb strafft Joannes sie,
das sie es habenn lassen nott werden. Weyter ist tzu
wissenn, das die schrift sagt, die liebe vordeckt alle me
nige der sünden, vnd Christus. Was euch vber ist, gebt
almuszen, szo seyn euch alle ding reyn adder vorgeben.
vnd Daniel, Erlöse deyn sund mit almuszen.

19
Dise vnnnd der gleichen spruch, prediger kein gnad
prediger gerne, boren sie auch nit gerne, yn das folck
briengenn: dan drauß folget, das das ablas niemant
nodt ist, kundenn auch durch die werck der liebe vnnnd
almußenn: viel pessers ablas vberkomenn, das wurt
aber nit kastenn fullenn.

Dise subtile vorlegere haben auß Aristotiles distinc-
tion, dennocht also vill erlernet, das sie es danor haltē,
das eyn almossen ader gut werck, gethan dem nebstenn
sey nit ordenlich sichselbs geliebt, vnnnd nicht seynselbs
selickeyt zum ersten gesucht: sundern soll vorbyn ablas
losen, vnnnd also sich seynselbs am ersten erbarmen.

Wan Christus nit warer got were, halt ich er het
langst sulch vnß Theologen lassen die erden vor-
schlingenn.

Zum ersten. Daniel leret den kunig zu Babylonien,
er solt mit almußenn seyn sund loszen, Szo spricht auch
d weyß man Ecclesiast: darzu sagt Christ⁹, Gebt alm-
ußenn, so ist es euch als reinn. Nu ist keyn edlers sichselbs
lieben vn seligen, dan sund loszen, vnd sich reyn machē
vn das nennet hie Christus selb: es sey almossen geben.

Zum anderñ. Nu sich zu, vnnnd halts kegenander,
Christus sagt, das almossen dez nebstenn geben, nympt
weg peyn vnd schult, vnnnd machts alls reyn: vnnnd das
muß yhe seyn, die allerbest vnnnd erst lieb seyn selbs:
vnnnd seyn selickeyt, wie itzt gesagt. Die vorlegere sagen,
das ablas nympt weg nur die peyn, vn das muß yhe sei
die geringst liebe seyn selbs: vnnnd nit nodt noch gepoten.
Auch souill geringer: als zeytlich peyn geringer ist dan
schuld der ewigenn peynñ. Dennach tharn sie, an forcht
vnnnd schambde sagen, das sich der ordenlich liebe, der
yhrer lere, vnnnd nit der Christus lere folget, danñ das
almossen, das peyn vnnnd schult loszet, wie Christus sagt,
setzen sie hynder das almossen, dar nur eyn wenig zeyt-
licher peyn loszet durch ablas, vnnnd nit nodt ist, noch ge-
poten, das seyn vnser lieben Christliche vorlegere, die
grundlich die schrifft cynfuren, ta yn den abgrundt der
hellen mit yhn selbs, vnnnd allen die yhn anhangen.

B

Zum drittē, ist das eine felsche liebe, die sich am erstē yn sich selb sucht, dan sanct Biego. spricht, das gotlich liebe gegē sich selb nit besteen kan, sondern sie mus sich aufstrecken czu einem andern, vñ das selb lieben macht rein. Wie auch sanct Jacob sager, das die liebe bedecke alle sund, darüb wer sich selb lieb wil habē, der mus auff yhm selb gehn, vñ nit yn yhm selb, sondern yn einem andern. sich lieb haben, das ist er mus sich yn yhm selb hassen, vñnd yhm selb leyde thun, vñd allenn andern liebe thun, wie Christus mit Worten vñd Wercken vns leret. Darum ist czubeforgen das, wer ablas sucht, nur suche die pein czuliben, vñnd also sich selb yn yhm selb liebe, vñd nit ymb liebe. sondern ymb forcht willē gibt. Vñ yn die forcht wollen vnser ablas predigere, das volck treiben mit yhrem schrecken vñd großmachen der pein vñd ablas. so sie doch soltenn die pein aufstreiben, vñnd vorechtlich machen, wen sie Christlich predigen woltē, ob sie auch gelt musten czu geben.

Zum Vierden. Nu istz woll czu mercken ab ich dem spruch S. Paul recht hab einfuret am sechzendenn artickel, do ich sagt. Man solt vorhin dem nechsten helfen vñd darnach vnser kirchen bei vns czu erst bawen, vñ czulezt ablas losen. Wan sanct. Paul sagt. Wer seinen haußgnosenn nit wol thut, ist erger dan ein heide. Das solten die vorlegere haben paß angesehen, so wurdenn sie nit czu spott mit yhren vnchristlichen vñd kezerische vorlegen.

¶ Der funffte grundt, ist von den altar vñd kirchen czu Rome in welchen man seelen erlost mit messen, vñd die h. U. Bepste das dulden. vñd darczu sanct Thomas yn sulcher lere von Bepsten bestetiget ꝛc.

Hie sag ich. Es ist war das czu Rom etlich dafur halten vñd ich selb, mehr dan ein messe daselb, vor die seelen gelesen, es hat mich der glauben bereuen, darumb

Das ich erfahren, das kein bewerüg ader bestetigung daruber ist, da mit man redlich besteen mocht. vnnnd sie selb czu Rom nit vill das achten.

Zum andern. Die weil dan kein gepot ist dasselb czu glaubenn. auch kein gepot werdenn kann. Das man es loszen vnd suchen muß. derhalben auch kein vordienst darynnen ist. Dann wo nit gehorsam. da ist kein vordinst. Wa aber mit gepot. da ist kein gehorsam. Ist besser bey dem gewiszesten vnnnd vordinstlichem bleybenn. durch gut werck vor sie bitten. Auch ist mir nit czweyffell. das die messe vor die seelenn gehalten. besser sei. vnnnd krefftiger czu erloszenn die seelen. dann das ablas durch die messen gesucht.

Zum drittem. czu solchem grossen ferlichen artickell solt ein Christenlicher vorleger. die schrifft. geistlich recht. ader redlich vomunfft einfuren. dann was czu Rom ader anderwo geschicht. adder Ppst duldē. kund auch ein ighlicher lādferer ader kretschmer woll schweczen. Darumb wann es die kirch beschleust. so will ich glauben das das ablas seelen erlosz. in des. will ich den freuel lassenn. auff das ich nit mich selb. vnd die armen seelen mit mir betriege.

Auch wie obenn gesagt. helt es das geystlich recht vor ein lügen. vnnnd hatt sich noch nie ein Ppst des selbenn vnderstanden. vnnnd ist festiglich czu hoffen. das Christlasse keynē so tieff fallen. das ers yhm furneme. Die weil ers yhm selb aufczogen vñ vorbehaltē. do er czu Petro sagt. Was du loszest auff der erdē. sal losz sein. Die seelen aber sein nit mehr auff der erden. vñ wie wol etlich sich vnderstanden. dem Ppst czu schmeichlen. dihsen spruch auch vnder die erdē czuziehē. so seins doch gottes. vnd so offenbar. das sie noch blieben sein. vnnnd bleiben werden. dan sie sein nit alleine yber sanct Peter

B ij



vnd Dauel, vñ alle beebste, sunderñ auch vber alle engel
ia auch vber die mēschheit Christi selbs, als er sagt. Mei
wort sein nit mein wort, sunderñ des, der mich gesandt
hatt.

Zum Vierdenn, das sanct Thomas bestetiget ist, laß
ich seyn. Man weyß aber yn allē vniuersitetē. wie weyt
die bestetigung sich estrecket. Darumb was der heylig
vatter mit schrifft adder vornunft beweret, nym ich an,
das ander, laß ich seynē guten wahn gewesen seyn.

Zum funfften. Ist das nit war, das ablas sey von der
dingen czall, die czur seligkeit vnd glauben gehorē, dar
umb ab der Bapst das duldet, ist nit wunder, szo leyder
wol grosser boßer stuck vñnd tuck, außzen vñnd ynnen
Rom geduldet werden.

Vñnd das ich meer sag. Seyntemal der Apostel sagt
die czugelassne dingk nit furderlich seyn czur seligkeit,
sunderen was gepoten ist. Szo folget, das der sicher ist,
der des ablas gar nichts achtet, vñ der vnicher ist, der
das ablas groß achtet, dann disse mag leichtlich yn dē
selben yrrē, iener kan nit yrrē, dan ye weyter vō dem
czugelassen, vñ neher den gepoten, yhe sicherer wessen,
dan gehorsam ist gewisz, freyheit ist ferlich.

Der sechst grund, das ich die doctores scholasticos
vnbillich vorwirff, als weren sie nit gnug eyn prediger
czu befestigē ꝛc. Das hab ich than, nit das ich sie gancz
vorwirff, dan sie haben das yhre than, sunder yhre opi
nion, vnd sunderlich vmb der vorleger willē, die mich
mit den selben vomeynen czu dringē, vñ furen sie doch
nit eyn, da sie bewart seyn mit schrifft vñ vornunft, sun
dern da si am aller nackendisten vnd krenkisten seyn, als
hie yn der matery vom ablas, Darumb hab ich nemlich
gesagt, mit yhren opinien, außz czudruckenn, das ich sie
wol haben wil mit schriften vnd vornunft, dan in pres
digetē fall man, opiniō opinton lassen seyn, vñ das wort
gottes predigen, wie vns gott durch sanct Dauel gepo
ten hat, das man nit fabeln, sondern die schrifft vō oben
berab eyngaben leren soll.

Am letzten, szo er mude worden, die schrifft czu marz

teren, adder velleicht nit mehr gewist, gebt das wetter
 vber mich, vñ byn da ein erzkeczer, keczer abtrüniger, ir-
 riger, freueler, vbelreder ꝛc. Darczu antwort ich, Got
 gebe myr vnd dyr seyn gnade. Amē. Szo vordorbene
 schuler seynt dise vorlegere, das sie all yhie tag, nit souil
 erlernen haben, was heretic⁹ czu lateyn, adder ein keczer
 czu teutsch heysze, vnd vntersteen sich dannocht schufft
 zu predigē, vnd keczerey vortreyben. Dan eyn keczer
 heyst, der nit glaubt die stuck, die not vnd gepoten seyn
 czu glauben. Die weyl dan sie selb bekennent, vnd war
 ist, das ablas nit gepoten, auch nit not czur selickeit, ist
 nit muglich, das ymant eyn keczer sey, er voracht, vor-
 lasz, ader widerrad das ablas wie er will, das ich doch
 nit than, sunder allein vnter die guten werck, yn seynen
 orden gesezt. Szo nu dan sulch vorlegere, die schufft
 nit wissen, lateinisch vnd deutsch nit vorsteen, vnd dar-
 uber mich szo vberausz lesterlich schelten, musz myr czu-
 mute seyn, als wen mich eyn, grober Esell anschreyet, ia
 frolich byn. vnd solt myr leyd seyn, das mich solch leud
 eynen fromen Christen scholten.

Das er myr aber czum stock, kercker, wasser, vñ feur
 beutet, kan ich armer bruder nit wegerē, Wie wol auch
 fur yhnselbs were mein tewer radt, er erbote sich mit be-
 seheydenbeyt czu reben wasser, vnd czum feur, das auß
 den gepraten genszen raucht, des er basz gewonet.

Solt nit ein Christē mensch vordrissen, das man mit
 leyplichen feur vnd tot, aller erst, so kindisch vnd spots-
 tisch fur nympt die leut czuschreckenn, szo es doch also
 eyn schrecklich ernste dingk ist (als ym. 49. ps) yn der
 schrifft auflegung czu yrren, vnd leut czuorfuren, das
 es den selben schufftlesteren, das hellisch feur, vnd den
 ewigen todt gilt, Darumb wer szo harte stirn hat, das er
 vor sulchem grausam vñ vntreulichem drawen gottes
 nit erschrickt selber, mocht wol schweigen, andere mit
 mēschlichem drawen czuschrecken yn vnnotigē sachen.

Doch wie woll disz matery nit an trifft, glauben, selis-
 keit, not, adder gepot, vnd sie szo gottfluchtig vnd liebe-
 siech seyn, auch in sulcbē vnnotigē vnkeczerlichē sachē,
 B ij

keczer vorbrennen. Szo vorzeych myrs mein gnedig
er got vñ vatter. das ich czu spott aller ere, die nyt dein
ist, auch eins troczen muge gegen meyne Baaliten.

Hie byn ich czu Wittenberg. doctor Martin⁹ Luther
Augustiner, vñ ist etwo ein keczermeister, die sich eyszen
czufressen, vnd felsen czureysen vordunckt, den laß ich
wissen, das er hab sicher geleyd, offne thoz, frey herberg
vnd kost darynnen, durch gnedige czusagung, des lob
lichen vnd Christenlichen furstenn herzog Friderich
Churfursten czu Sachsen ꝛc. Da bey auch die schriffle
sterer, merckē mugē, das d' selb Christliche furst nit, wie
sie yn yhren lezten trucken position gerne liegen vnd
schmeben wolten, der sey, der Christlicher warbeyt czu
nachteyl, mich ader yemand, in keczerischen furnheimē
auch in diszen dingē do keczerey nymer ynnen sey mag,
schutzen wolle.

Er clagt auch das mein sermon bringe groß ergerni
ß vnd vorachtung, des stuls czu Rom, des glaubens,
des sacraments, der lerer der schrifft ꝛc. Dis alles weiß
ich nit anders zu vorsteē dan also, der hymell wirt noch
beute fallen, vnd wirt keyn alter topff morgen gancz sey

Doch aber czu er ynnern die armē leut, die vor grosse
geschafft des heyligen ablas cyn schwach vnd yrrig ge
dechniß haben, Sag ich wie vor, das ablas sey, nit ge
poten, nit not, vnd nichts dran gelegen der selikeyt, ab
auch niemāt dasselb achtet, wie er selb gesagt vnd sagē
muß derbalben auch nit muglich, das ergerniße adder
yrrthum geschehe, yn vorachtung des ablas, aber grus
samer yrrthum mag geschehen, yn grofsachtung des ab
las, gleych wie yn andern freyen vngepotenen nachlass
ungen, dan ergerniße muß seyn yn stucken die not sey zur
selickeit. Szo folget, das nit vmb liebe der seelen, sun
dern vmb vnser eere vñ nucz willē, wir gerne wolten,
das vnser vnnotige vngepotne wort, vorstanden vnd
genendt wurden, kirch, Bapst, schrifft, sacrament, lerer,
glauben, vnd wir alleyn alle notige vnd gepotten ding
weren, vnd an vns nichts, vñ also vnser ergerniße aller

19
dingen ergerniß were. Also habenn sich auch die iuden
an Christo geergert. Aber er sagt darczu, laß sie farē, sie
seindt blindt vñ blindēfurer. Da nebe merck, dz bei dißē
volegern, die schrifft lesterer, vnd got in seynen wortē,
lugen straffen, das heyst bessern vnd eeren die Christen-
heit, Aber das man leret wie ablas nit not czuloßzen, ia
das nit czymlich sey von den armen leutē gelt czu schins-
den, das heyst die kirch, vnd sacrament vneren, vñ die
Christē ergern. Das sag ich darumb, das mann hynfurs
der, ybre sprache, vñ das new rodwelich vorsten moge.

Auch czu mehrienscheyn seyns furubemens, will er
mich dringen, meyn sermon czu erbitten auff erkentnisse
Bebstlicher heyligkeit ꝛc. Sag ich, ich darff keyner
nießē wortz, hab auch nit so grosse schnuppē, dz ich das
nicht riche. Doch fall es nit lang weren, ich wil mein
materie erbieten, vñ vilicht mehr dan yhn lieb seyn fall.

Jetzt sey das gnug, das nit not ist Bebstliche. h. vñnd
Romischen stul beladen mit vnnotigen predigen, es we-
re dan ein hulczner stul ledig, vill weniger mit offenbar-
ren texten der scrift, durch die gancze Christenheit
eintrechtlich geprediget vnd vorstanden.

Seyne position, der er sich rümet czu Franckfurt czu
erhalten, der sich dan auch billich sonn vñnd mon vor-
wunderten, vor grossen licht ybrer weyßheit, halt ich
das mehrer teyl vor warheit. An das wol leyden
mocht, das wo do stet, docendi sunt Christiani, das do
stundt, docendi sunt questores, et heretice prauitatis
inquisitores.

Hilff got der warheit, vñnd
sunst niemant, Amen.

Ich vormiß mich nit vber die hohen tannen czu
stigen, Vorczweiffel auch nit, ich mug vber das
dorre gras kriechen. M. L.

I S I S

Faint, illegible text, likely bleed-through from the reverse side of the page.

Faint, illegible text, likely bleed-through from the reverse side of the page.

Faint, illegible text, likely bleed-through from the reverse side of the page.

Faint, illegible text, likely bleed-through from the reverse side of the page.



Fl 289



ULB Halle 3
 001 343 890



Sl


~~TA-OL~~

R

Ant.







B.I.G.

Farbkarte #13

19

Eynfreyheyt

Des Sermons Hebst-

lichē ablaß vnd gnad belangend Doc-
toris Martini Luther widder
die vorlegung, so czur
schmach seyn. vnn̄d
desselbē Sermō
ertichtet.



51

